



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-11-3-1049-15/20
Datum: 08.04.2020.godine

Na osnovu člana 70. stav 1. a u vezi sa članom 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) i Zapisnika o pregledu i ocjeni ponuda od 07.04.2020.godine, sačinjenog od strane Komisije za nabavke imenovane rješenjem Općinskog načelnika, Općinski načelnik, donosi:

ODLUKU
o izboru najpovoljnijeg ponuđača
I

Najpovoljnija ponuda za radove u predmetu "Postavljanje horizontalne signalizacije i vibracionih traka" po cijeni bez PDV-a od 33.455,00KM (slovima: tridesettrihljadečetiristotinepedesetpet i 00/100 konvertibilnih maraka) odnosno sa PDV-om u iznosu od 39.142,35KM (slovima: tridesetdevethyljadastotinučetrdesetdvije i 35/100 konvertibilnih maraka) je ponuda ponuđača SACOM doo Sarajevo.

II

Ponuda je dostavljena u konkurentskom zahtjevu za dostavu ponuda koji je objavljen na Portalu javnih nabavki dana 04.03.2020.godine pod brojem: 375-7-3-73-3-16/20, kriterij za dodjelu ugovora je najniža cijena.

III

Obavezuje se izabrani ponuđač (ukoliko uz ponudu nije dostavio) da u roku od 5 dana od dana prijema ove Odluke dostavi ugovornom organu potrebnu dokumentaciju kojom dokazuju svoju ličnu, ekonomsku i finansijsku sposobnost na način i u formi koja je propisana tenderskom dokumentacijom.

IV

Ponuda PRO VIA doo Bijeljina se odbacuje iz razloga što ponuđač uz ponudu nije dostavio traženu dokumentaciju kako je to propisano tenderskom dokumentacijom, te je ista ocijenjena kao formalno neispravna.

V

Za realizaciju Odluke zadužuju se Služba za finansije, privredu, komunalne i inspeksijske poslove općine Tešanj.

VI

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

VII

Ova odluka objavit će se na web-stranici Općine Tešanj www.opcina-tesanj.ba, shodno članu 70. stav 6. Zakona o javnim nabavkama.

O b r a z l o ž e n j e

Postupak javne nabavke za radove "Postavljanje horizontalne signalizacije i vibracionih traka" pokrenut je Odlukom o pokretanju postupka broj:02-11-3-1049-2/20 od 27.02.2020.godine. Odabran je konkurentski zahtjev za dostavu ponuda, koji je objavljen na Portalu javnih nabavki dana 04.03.2020.godine pod brojem: 375-7-3-73-3-16/20, procijenjena vrijednost javne nabavke je 45.000,00KM a kriterij za dodjelu ugovora je najniža cijena.

U ostavljenom roku za dostavu ponuda pristiglo je 6 (šest) ponuda i to: ponuda SACOM doo Sarajevo, ponuda BULJAN CESTE doo Kreševo, ponuda PRO VIA doo Bijeljina, ponuda DELIĆ SIGNALIZACIJA doo Bihać, ponuda ECOINVEST doo Tuzla i ponuda HAJDIĆ doo Maglaj.

Komisija za javne nabavke imenovana rješenjem Općinskog Načelnika broj: 02-11-3-1049-5/20 od 11.03.2020.godine izvršila je dana 19.03.2020.godina javno otvaranje ponuda o čemu je sačinila Zapisnik sa otvaranja ponuda i isti prosljedila svim ponuđačima.

Komisija je na zatvorenoj sjednici izvršila provjeru formalne ispravnosti sadržaja pristiglih ponuda, te ustanovila da je 5 (pet) ponuda formalno ispravno (sadržajno kompletne i ispravnog sadržaja) i da se kao takve mogu ocjenjivati u skladu sa zahtjevom za dostavu ponuda.

U svrhu dokazivanja da ispunjavaju uslove za primjenu preferencijalnog tretmana domaćeg ponuđači su bili dužni uz ponudu dostaviti : - original ili ovjerenu kopiju dokumenta (Potvrdu PIO/MIO ili druge nadležne institucije o broju zaposlenih u 2020.godini) kao dokaz da najmanje 50% radne snage za izvršenje ugovora su rezidenti Bosne i Hercegovine, i - Izjavu potpisanu i ovjerenu od strane ponuđača o broju zaposlenih lica u 2020.godini. Ponuđač PRO VIA doo Bijeljina nije dostavio dokumentaciju traženu tačkom 32.1. tenderske dokumentacije.

Tačkom 5.1. Tenderske dokumentacije predviđeno je da će se u ovom postupku dodjele ugovora primjenit E-aukcija za ponuđače koji su podnijeli prihvatljive ponude te je ugovorni organ zakazao E-aukcija za dan 30.03.2020.godine od 10:00 sati u trajanju od 10 minuta.

Iz Izvještaja o toku i završetku E-aukcije od 06.04.2020.godine (koji je u predmetu spisa) vidljivo je da SACOM doo Sarajevo kao ponuđač zauzima prvo mjesto na Konačnoj listi ponuđača koji su učestvovali u E-aukciji te je ugovorni organ iz Izvještaja o toku i završetku E-aukcije preuzeo Konačnu listu ponuđača koji su učestvovali u E-aukciji kako slijedi:

1. SACOM doo Sarajevo
2. BULJAN CESTE doo Kreševo
3. ECOINVEST doo Tuzla
4. DELIĆ SIGNALIZACIJA doo Bihać
5. HAJDIĆ doo Maglaj

Komisija je kod ocjene ponuda takođe utvredila da ponuda ponuđača PRO VIA doo Bijeljina sadrži Referens listu za značajnije proekte horizontalne i vertikalne signalizacije u periodu 2017-2019 godina od 13.03.2020.godine potpisanu i ovjerenu od strane ponuđača kao i ovjerenu kopiju Potvrde Verkering doo Novi Sad od 06.02.2019.godine o uspješno izvršenom ugovoru broj:292/18 od 07.06.2018.godine na iznos od 9.658,22 € bez PDV-a iz čega je vidljivo da je vrijednost realizovanog ugovora 9.658,22 € bez PDV-a a tačkom 13.3. a) tenderske dokumentacije propisano je "uspješno iskustvo u realizaciji 2 (dva) ugovora na radovima koji su predmet javne nabavke (Postavljanje horizontalne signalizacije i vibracionih traka) u poslednje 3 godine ili od dana registracije, u ukupnoj kumulativnoj vrijednosti tražene nabavke – minimalno 45.000,00KM bez PDV-a (mogu i ugovori veće vrijednosti)" dakle iz dostavljene dokumentacije je vidljivo da je vrijednost realizovnog ugovora 9.658,22 € bez PDV-a odnosno da nisu dostavljena 2 ugovora u poslednje 3 godine ili od dana registracije, u ukupnoj kumulativnoj vrijednosti tražene nabavke – minimalno 45.000,00KM kako je traženo tačkom 13.3. a) tenderske dokumentacije

Ponuda PRO VIA doo Bijeljina je u skladu sa članom 68. Zakona o javnim nabavkama Bosne i Hercegovine ("Službeni glasnik BiH", broj: 39/14) odbačena, kako je navedeno u tački 4. dispozitiva ove Odluke.

Shodno navedenom, Komisija za javnu nabavku je prema utvrđenom kriteriju "najniža cijena ekonomski prihvatljive ponude" preporučila Općinskom Načelniku, općine Tešanj (Zapisnik o pregledu i ocjeni ponuda broj:02-11-3-1049-14/20 od 07.04.2020.godine), da se u predmetu javne nabavke radova "Postavljanje horizontalne signalizacije i vibracionih traka", donese Odluka o izboru najpovoljnijeg ponuđača i da se kao najbolje ocijenjena prihvatljiva ponuda za radove određuje ponuda ponuđača SACOM doo Sarajevo, odnosno kako je to navedeno u tački I ove Odluke, te da se

sa istim zaključiti ugovor u skladu sa ponudom i postignutom cijenom na E-aukciji navedenog ponuđača za radove predmetne nabavke.


Uzimajući u obzir sve navedeno, a primjenom člana 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) kao najpovoljniji izabran je ponuđač SACOM doo Sarajevo sa cijenom u iznosu bez PDV-a od 33.455,00KM (slovima: tridesettrihiljadečetiristotinepedesetpet i 00/100 konvertibilnih maraka) odnosno sa PDV-om u iznosu od 39.142,35KM (slovima: tridesetdevethiljadastotinučetredesetdvije i 35/100 konvertibilnih maraka).

Pouka o pravnom lijeku: Žalba na Odluku o izboru najpovoljnijeg ponuđača izjavljuje se URŽ-u putem ugovornog organa u roku od 5 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14).

DOSTAVLJENO:

1. Ponuđači x6,
2. Služba za finansije, privredu, komunalne i inspeksijske poslove,
3. Web stranica općine Tešanj, elektronski,
4. Predmet.

Handwritten signature



OPĆINSKI NAČELNIK

Handwritten signature of Mr. sci. Suad Huskić

Mr.sci. Suad Huskić

